



KOMUNIKADO PA PRENSA

Fecha

7 Augustus 2013

Email

jhanirha.anita@gobiernu.cw

Nr.

MINISTER BALBORDA TA DUNA ENKARGO PA KUMINSÁ LIMPIA ROINAN

Willemstad – Awe mainta, Servisio pa Obra Públiko a duna splikashon na 151 kontratista tokante e trabounan ku mester bai tuma lugá pronto pa loke ta trata limpiamentu di 68 roi rontKòrsou. E trabounan aki ta plania pa kuminsa september benidero i ta trata roinan na tur parti di kòrsou.

Minister Balborda di Ministerio di Tráfiko, Transporte i Planifikashon Urbano tambe tabata presente pa wak kon kosnan ta kanando i ta kontentu di mira kuantu kontratista ta bai haña trabou i ku roinan ta bai wòrdu limpia.

Tur kontratista a risibi tur informashon di e trabounan ku mester sosode, manera entre otro 1) kon mester limpia e roinan, 2) kiko tin ku hasi ku material ku haña den e roi, 3) den kuantu tempu e trabou mester ta kla. Tambe nan a haña e oportunidat pa hasi pregunta.

Despues di a risibi tur informashon, nan tin un siman pa entrega nan ofertanan pa hasi e trabounan. Ora tur oferta drenta i e periodo pa entrega oferta pasa, Servisio pa Obra Públiko ta analisá e ofertanan a base di un lista di eksigensia i ta skohe e diferente kontratisnan ku ta haña e trabou di limpiesa di roi.

Limpiamentu di roi mester tuma lugá tur aña prome ku e temporada di awaseru pa prevení ku roinan ta yena i basha afo kual por kousa molèster i/òf inundashon.

Pues, pueblo di Kòrsou por spera ku pa sèptèmber trabounan di limpiamentu di roi ta kuminsa. Por sigui tur último desaroyonan di Minister Balborda di Ministerio di Tráfiko, Transporte i Planifikashon Urbano via di su página di Facebook ‘Earl W. Balborda, Minister VVRP’.